

廬陵宋丞相信國公文忠烈先生全集卷之十

十九世孫攀丹男

邑庠大學

生光

裕

孫克漢編輯

詩

次鹿鳴宴詩

時提舉知郡李愛梅廼舉送弟璧同薦

禮樂皇皇使者行光華分似及鄉英貞元虎榜雖聯捷司隸龍門幸綴名二宋高科猶易事兩蘇清節乃

真榮囊書自負應如此肯遜當年禰正平

集英殿賜進士及第恭謝詩

於皇天子自乘龍三十三年此道中悠遠直叅天地
化昇平奚羨帝王功但堅聖志持常久須使生民見
泰通第一臚傳新渥重報恩惟有厲清忠

御賜瓊林宴恭和詩 壬戌以秘書省官與宴

奉詔新彈入仕冠重來軒陛望天顏雲呈五色符旗
葢露立千官雜珮環燕席巧臨牛女節鸞章光映璧
奎間獻詩陳雅愚臣事况見賡歌氣象還

明堂慶成恭進詩

於皇藝祖德乘乾聖主宜光奕葉前運再庚申皇建
極祝同癸亥數叅天中嚴外辨三千禮累洽重熙四
十年願贊帝心長對越至忱功用貫垓塹

敬和道山堂慶瞻御書韻

墨灑天奎映籀紅斯堂殿閣與俱隆方壺圓嶠神仙
宅溫洛榮河造化工列聖文章千載重諸孫聲氣一
時同著庭更有邦人筆稽首承休學二忠

著作之庭
胡忠簡公

書周文
忠公立

次韻劉左司前以著作郎秘書省營繕事時
落成適潘秘承得郡攜李并餞行有詩

蓬壺日月四時春金碧新來絢帝宸俎豆幸陪麟省
雋衣冠中有虎符新詩餘和氣生談麈坐久風光入
醉茵多謝蘭臺舊盟主好歸群玉領儒珍

秘省再會次韻

蓬萊春宴聚文星多荷君恩錫百朋四座衣冠陪賀
監一時梁棟盛吳興圖書光動青藜杖人物溫如古
玉升好是木天新境界螢窓容我種金燈

古玉升見
隋律曆志

送曹大著知廣德軍

暫屈瀛洲客來臨汭水民山川歸史記岳牧屬詞人

館舍朋簪舊都門祖帳新儒林官可紀傳止更稱循

贈秘書王監丞

君不見秘書外監賀放翁鏡湖一曲高清風又不見
太子師傅兩疏氏東門祖帳羅羣公人生晚節良不
易頽波直下誰障東使人知有在我者二三君子爲
有功我公金華山下住赤松安期白雲處風骨細瘦
真神仙急流勇退不肯顧我昔山中想風采幾回擊
節歸田疏適來追陪水蒼佩親見辭歸白雲路御筆
擢公領蓬山師表玉立東宮官兩年苦口一去字未
許歐鷺從公閑瑤池深深鎖策府玉皇宮闕僑其間
暫分赤符管下界半空雲氣常往還多少指麾辭上

國悠悠風塵見此客莫作尋常太守看疏賀以來偉
人物夜瞻婺女次舍中一點光明射南極公歸眠食
重調護世道尚憑公氣力

贈莆陽卓大著順寧精舍三十韻

人生天地間一垓非細事識破此條貫八九分地位
趙岐圖壽藏杜牧擬墓誌祭文潛自撰荷鋪伶常醉
此等蛻浮生見解已不易齊物逍遙游大抵蒙莊意
聖門有大法學者必孔自知生未了了未到知死地
原始則返終終始本一致後來得西銘精蘊罄洙泗
吾體天地塞吾氣天地帥一節非踐形終身莫繼志

舜功禹顧養參全穎錫類伯奇令無道申生恭不貳
聖賢當其生無日不惴惴彼豈不大觀何苦勤興寐
吾順苟不虧吾寧始無愧人而有所忝曠達未足智
卓哉居士翁方心不姿媚蒙讒以去國七年無怨懟
風雨三間茅松楸接蒼翠斯丘亦樂哉未老先位置
宇宙如許大豈以爲敝屣當其歸去來致命聊自遂
天求聖賢才初意豈無爲民胞物同與何莫非已累
君方仕于朝名高貴所萃乾坤父母身方來日川至
西銘一篇書順事爲大義請君觀我生姑置末四字
送卓大著知漳州

遙生隔風雨
問俗便桑梓
過家拜松楸
錦堂事相儷
棠舍陰易留
向來澗蠡間
何物輒負舟
翻覆十年事
行止隨坎流
倘來豈不再
遲取終無尤
太守執此往
邦人庶其瘳
昔予援西銘
期予以前修
願覲弘濟學
四海放一舟

陸氏登三閣源明出一麾清聲光漳浦便道拜長基赤子歌來暮同寅賦去思西銘功用

大并驗順寧詩

大陸登三閣源明出一麾臨軒親策後上冢

過家時秋色吳山外春風漳水涯斯文交獨厚羞賦送行詩此初詩也不反用今附見

此

和蕭安撫平林送行韻

逢辰字應父樞密檢詳江西安撫

得先元來付塞翁何心桃李問東風人皆有喜樂三
杜我尚無文謝五窮秘苑固知朋可正畏途猶恐甲
方裏欲酬長者殷勤祝坎止流行學四忠

和朱衡守約山韻

渙字行父大理寺丞

昔人一出正朋字今我慚非行秘書人樣相看願元
祐詩章甚雅突黃初競言汲憲猶須復或謂顏愚亦
可如把酒對花始勿論春行後長莫妨徐

題玄潭觀雪浪閣用誠齋韻

秦官學道勾山許學到至人本無怒赤子鱗鱗如魚
頭不堪妖孽星上流鉗鍵長潭鐵樹立摩挲穹石寶

劍濕當時豈忍如是觀毒流不可開眼看英風凜凜
萬古寒

玄潭觀和龔宰韻

晉代何曾谷此陵到今樓觀隱居亭幻成鷗鷺乾坤
濶陶盡魚龍雲水腥仙有神功衆造化人將故事入
丹青我來欲去長橋孽祠下徘徊夜乞靈

送朱制幹象祖

一官贅漫任如何屢疏戕天氣不磨宋祚萬年陳大
計周圖五字訂前訛重尋范老憂時箸旁鑒文公衛
道戈投匭近年殊不少有人說似此君麼

送三山林溶孫歸省

束書遊京師孤雲瞻太行辭歸慕何蕃捨養殊歐陽
山林乾坤靜菽水日月長好味諸公詩勝讀寒泉章

京城借永福寺漆臺口占似王城山

名孟孫
字長翁

後大
常丞

心如明鏡臺此言出浮屠後來發精義并謂此臺無
此臺已是贅何況形而器國釋正超然點頭會意思
多謝城山翁一語迎禪鋒顧我塵俗人與物方溶溶
景定壬戌司戶弟生日有感賦詩

夏中與秋仲兄弟客京華椒栢同歡賀萍蓬可歎嗟

孤雲在何處明歲却誰家料想親幃喜中堂自點茶
暑布送王廷舉用蕭敬夫韻

平生涼薄資斑陶誤大窩誰知此石恠愈沃乃愈焦
崑崙織火鼠頓易褱衣飄榮我絲蘿附免此蒲柳凋
之雪漫白長袂風搖搖表之以霧縠緣之以烟綃
衣從姬滿佩玉遊西瑤

商人烟火跳出天地窩掀然立千仞塊視金與焦
香袂拂雪冷紫髯逐風飄摩挲雲冥樹豈隨群卉凋
但知仙骨輕不學倒影托人間盡描貌妙不在生綃
搗斗斟天漿霞衣却瓊瑤

題陳國秀小園二首

席地目乾坤半樹閱今古池館豈不寬每換牡丹主
園公非隴傭獨捐占春風弄影不在多臭香知乃翁
長鶴展輕翮遠棲松桂林故宇入清夢盤盤亦苦心
中林風月賒十畝團團陰林下有奇士繞樹從之吟

題靜山墅

地得一以寧凝然者卷石嵒巖及培塿異形不異質
古之能定者悟此爲一極春榮秋以悴一歲百態出
鳥鳴花落句此意誰與詰所以尼丘人仁智不廢一
萬象此綿經死灰彼何物明發此乎遊參入觀水術

贈折字嗅衣相士

水火坎離紫陽性滑波皮骨長坡駭解州得解解中
膠費家卦舖同一解噍字從金詩反窮貝何爲分田
何同黃絹勿婦我自樂竹犬多事鴉鶴翁
阿英薰蒸透肌理不潔未蒙好西子芙蓉浪中薔薇
水蘇合蠅蜋忘彼已馬嵬新轆鈎新月腥臊千年天
地裂是間曾著鼻孔麼梅香竇臭無如何

贈閻丘相士

急流勇退識真臙昔有麻衣撥地爐我亦愛君雲水
趣莫言雷雨起江湖言余遇水則發故云

贈神目相士

道茂數遁甲長房得役鬼風鑑麻衣仙地理青烏子
擇術患不精精義本無二竒哉夢筆生熊魚掩前氏

贈鏡湖相士

五月五日楊子江心水鑄作道人雙瞳子吾面碟子
大安用鏡照二百里士

贈秋月葉相士

急流勇退神仙跛覽龍鐘將相借問華山山中何似

天津橋上

贈曾蘭谷相士

許負眼禰衡口巧言甘莠言醜

贈月洲相士

月州月眼閱人多且道西州事若何
朱紫貴人皆好命不知中有孔明麼

贈劉矮跛相士

鍊石爲形鏗金爲音世方好圓癡守方心
陰陽細縕人一氣質善惡之微證于聲色
意所欲發雖吾不知彼美子劉洞其先幾
骭髀難合今世道病如子所言生稟已定
慙夫勇士往往一偏以視妾婦豈不猶賢
洪範得三二曰剛克會其歸其好是正直
學問工夫

子執子術吾安吾情

嬰姍三尺軀舉止如不揚瞻視照肝膽音吐何琅琅
君看水中鳬不及鶴脰長昔聞夔憐蚺未聞一足僵
萬物各自適形色安足量子言良有理與子持酒漿

贈梅谷相士

當年壽陽額春風點顏色後來廣平腸冰雪峙氣骨
世人識花面識花還自淺花有歲寒心清貞堅百鍊
君家在梅谷自詭知梅熟須得花性情不假花頭目
莫說和羹事花被和羹累突兀烟水村我梅自林氏